



## TINGGAL DALAM RUMAH SAMPAH

**SEORANG** warga emas, Zaidah Mansor, 67, hidup dalam longgokan sampah di rumah sendiri di Ampang dan kali terakhir dikemas tujuh tahun lalu.

Pesara kerajaan itu tinggal sebatang kara di rumahnya selepas berpisah dengan suami 17 tahun lalu dan dalam tempoh itu juga dia menderita bengkak kaki yang memerlukan rawatan.

Rentetan laporan itu, ramai pihak tampil antaranya Persatuan Pengguna Islam Malaysia (PPIM), Majlis Perbandaran Ampang Jaya (MPAJ), sukarelawan Universiti Putra Malaysia (UPM) dan Universiti Islam Antarabangsa Malaysia (UIAM), Muslimat PAS Cawangan Flat Taman Kosas serta penduduk setempat yang membawa keluar 10 tan sampah ‘terperap’ di rumah dua tingkat didiami warga emas itu.

